

Mitropoliti Nathanail në kremtimet për Shën Joanin e Rilës në Manastirin e Shenjtë të Rilës



Më 17 dhe 18 gusht, Mitropoliti i Gjirokastrës, z. Nathanail, me ftesë të Episkopit të Adrianopolit, z. Evlogjio, Igumenit të Manastirit të Shenjtë të Shën Joanit të Rilës, mori pjesë në kremtimet e shenjta kushtuar kujtimit të Shën Joanit të Rilës, në Manastirin e Shenjtë në Rila të Bullgarisë.

Mbrëmjen e 17 gushtit, Mitropoliti Nathanail drejtoi Agripninë e Shenjtë, duke kryesuar në shërbesat e Mbrëmësore dhe të Mëngjesore. Ditën e nesërme, më 18 gusht, bashkëmehoi me Patriarkun e Bullgarisë, z. Daniel, si dhe me Hierarkë të tjerë të Kishës Orthodhokse të Bullgarisë, duke u bërë kështu pjesëmarrës në gëzimin e kësaj feste të shenjtë.

Në fjalën e tij me rastin e kremtimit, Mitropoliti Nathanail shprehu falënderimet e tij të përzemërta ndaj Patriarkut z. Daniel dhe ndaj Igumenit të Manastirit, z. Evlogjio, për ftesën, mikpritjen dhe dashurinë vëllazërore të treguar, duke theksuar rëndësinë e bashkimit në Krishtin dhe të lidhjeve vëllazërore ndërmjet Kishave Orthodhokse.

Kremtimet u zhvilluan me madhështi dhe përkushtim shpirtëror, nën hijen e lutjeve

dhe ndërmjetimeve të Shën Joanit të Rilës, i cili mbetet një nga shtyllat e shenjtërisë dhe të jetës asketike të popullit besimtar bullgar.

[Mitropolia e Hirshme e Gjirokastrës](#)